

SAKSPAPIR

Saksnr	Utval	Type	Dato
017/20	Heradsstyret	PS	22.04.2020

Saksbehandlar	ArkivsakID
Bente Skjerpning	20/1015

Interpellasjon om sal av skulebygget i Mjøsdalen

Rådmannen sitt framlegg til vedtak:

Heradsstyret - 017/20

HS - behandling:

Ordføraren, ynskjer ikkje å ta denne saka opp til behandling i dag.

Jarle Skeidsvoll, KRF, fekk høve til å orientera om bakgrunnen for interpellasjonen og gjorde slikt framlegg: "Osterøy kommune sel gamle Mjøsdalen skule til Stiftinga Hosanger Montessoriskule etter same modell som ved sala av skulane på Hamre og i Hjellvik. Salet skal omfatte avtale om rettar og plikter knytt til uteareal som i dag vert delt mellom skulen, barnehagen og frivillige organisasjonar, samt leigetilhøve for barnehagen. Området vert regulert om frå LNF til tenleg føremål i samband med den kommande rulleringa av arealdelen av kommuneplanen i Osterøy."

Framlegget vart ikkje teke opp til avrøysting.

Ordføraren, viste til sitt førebelse svar på interpellasjonen og gjorde framlegg om å leggja fram sak til neste møte.

Ole Johannes Mjøs, H, bad om å sin habilitet i saka vurdert før vidare debatt.

Det vart halde pause i drøftingane frå kl. 19.10 - kl. 19. 15 med gruppemøte for KRF.

Jarle Skeidsvoll, KRF, støttar ordføraren sitt framlegg om at saka vert lagt fram til neste heradsstyremøte.

Etter dette vert saka lagt fram til neste møte.

HS - vedtak:

Saka vert lagt fram til neste møte.

Saksopplysningar:

Saksopplysningar:

Bakgrunn

Representantane Jarle Skeidsvoll og Kari L. Mjøs, begge KRF, har send inn følgjande interpellasjon:

Ordførar:

«Dei siste 20 åra har det vorte vedtekne store endringar i skulestrukturen i Osterøy.

Sist gong, i 2013, vart skulane på Hamre, Hauge, Hjellvik og Bruvik vedtekne lagt ned i ein omfattande prosess som engasjerte store delar av folket i kommunen. I 2020 – sju år etter, er det på barnetrinnet (1.-7. klasse) i Osterøy 4 kommunale skular (Lonevåg, Valestrand, Haus og Fotlandsvåg) og 3 friskular (Hosanger, Hamre og Hjellvik). På ungdomstrinnet er det to skular, den kommunale Osterøy Ungdomsskule og friskulen Danielsen Ungdomsskule Osterøy.

Frå etablering av den første friskulen i 2003, Hosanger Montessoriskule, og til i 2019, alle friskulane på barnetrinnet leigd lokale frå kommunen. I 2018/19 vart det forhandla fram avtaler med friskulane i Hjellvik og på Hamre om kjøp av skulebygga. Hosanger er einaste friskulen på barnetrinnet som ikkje eig bygget skulen vert driven i.

Stiftinga Hosanger Montessoriskule har frå starten i 2003 gjeve eit godt og alternativt pedagogisk tilbod (montessoripedagogikk) til innbyggjarane i Osterøy i dei gamle lokala til Mjøsdaalen skule. Stiftinga har nyleg forlenga avtalen om leige av lokalet til neste haust (2021), men det er knytt usikkerhet til om leigeavtalen vert ført vidare etter dette.

Dette skapar, forståeleg nok, stor usikkerhet for styret i stiftinga, leiinga og dei tilsette, familieane som har born på skulen i dag, og familiar som vurderer å melda borna sine inn i skulen. Situasjonen er i det heile ikkje haldbar.

Stiftinga Hosanger Montessoriskule ønskjer å kjøpa skulebygget på same viset som skulane på Hamre og i Hjellvik. Dette er eit rimeleg ønskje som Osterøy kommune kan og bør etterkoma.

Det har, slik me forstår det, vore ulike grunnar til at ei sak om sal av skulebygget ikkje har vore utgreidd og politisk handsama. Spørsmål knytt til mogleg framtidig kommunal bruk av skulebygget til barnehage har vore løfta av fleire grunnar, t.d.

- a. For låg kapasitet i barnehagen i dag og trong for nye areal (skulebygget) og
- b. At barnehagen i dag er ueigna for formålet etter vurdering av Miljøretta helsevern.

Me er kjend med at det i løpet av det siste året er lagt fram solid, ekstern dokumentasjon på følgande:

- Bygget som no vert brukt til Mjøsdaalen barnehage kan, men avgrensa investering/tilpassing nyttast til forsvarleg barnehagedrift (kjelde: Miljørettet helsevern, Bergen kommune, «Rapport etter tilsyn med Mjøsdaalen barnehage og førehandsvarsel om vedtak, datert 02.05.19) og
- Framskriving av folketalet i Osterøy for gruppa i 1-5 år gjev ikkje grunnlag for investering i auka kapasitet ved Mjøsdaalen barnehage (kjelde: Norkonsult: «*Folketalprognose og prognosar for førskulebarn og elevtal for skuleområda og skulane i Osterøy kommune for perioden 2019 – 2034*», datert 03.12.19)

I tillegg til dei sentrale punkta over, er Osterøy kommune sin økonomi på kort og mellomlang sikt særskild svak. Kommunen er no i ROBEK-registeret og berre naudsynte investeringar vert godkjende av fylkesmannen.

Det er vanskeleg å sjå at kommunen i overskudeleg tid skal prioritere sine avgrensa ressursar til ein auke i barnehagekapasiteten på ein stad som i dag ikkje er tilrettelagt for barnehage (det gamle skulebygget). Heradstyret i Osterøy har p.t. gjort helt andre prioriteringar m.o.t utvikling/utbygging i barnehagesektoren.

Det er òg verd å nemna at sal av skulebygget vil frigjera økonomiske ressursar til investering i prioriterte prosjekt eller til reduksjon av gjeld.

Spørsmåla til ordføraren er følgjande:

- Ser ordføraren nokon gode og vektige argument *mot* å gje Stiftinga Hosanger Montessoriskule snarleg høve å kjøpa bygget dei driv skule i – etter same modell som ved sal av skulebygga på Hamre og i Hjellvik?
- Er det andre gode grunnar som talar mot eit prinsippvedtak om sal av skulebygget i Hosanger i heradstyremøtet 22.04.2020?

Osterøy, 16.04.20

Osterøy KrF v/Kari Mjøs og Jarle Skeidsvoll
